

國際扶輪 3461 地區大甲中央扶輪社第廿五屆臺語朗讀比賽實施計劃

- 一、宗旨：為配合學校之母語教育，提昇學生臺語表達能力及推廣母語文化，特舉辦本項活動。
- 二、指導單位：臺中市政府教育局
- 三、主辦單位：大甲中央扶輪社
- 四、協辦單位：大甲扶輪社、苑裡扶輪社、大甲北區扶輪社、大甲百齡扶輪社
- 五、比賽時間：民國 114 年 11 月 30 日〈星期日〉上午 8：00
- 六、比賽地點：大甲中正紀念館（臺中市大甲區水源路 190 號 04-26863294）
- 七、參賽資格：就讀於大甲、大安、外埔、后里四區內之國小學生，並經學校推薦，國小一個年級五班（含）以上，得每組推薦二名，其餘推薦一名。
- 八、比賽分組：中年級組：國小 3～4 年級；高年級組：國小 5～6 年級。以指定內容朗讀方式進行，朗讀內容如附件。
- 九、報名辦法：請掃描下方 QR Code 線上報名，報名總人數 45 名。
- 十、報名日期：114 年 11 月 1 日 9 時整起至 113 年 11 月 20 日 18 時整止（或人數額滿即截止）
- 十一、朗讀內容：中年級組由以下三個篇目中於比賽當天報到時當場親手抽定競賽篇目
 1. Siáng 才是囡仔啦？
 2. 飛上天的數想
 3. 糖霜丸高年級組由以下四個篇目中於比賽當天報到時當場親手抽定競賽篇目
 1. 講臺灣話若像軟空氣
 2. Khú-looh
 3. 多謝恁
 4. 娶貓仔某
- 十二、比賽時限：每人限時 3 分鐘。
- 十三、評分標準：1.語音〈發音/聲調〉40% 2.聲情〈語調/語氣〉40% 3.儀態 20%
- 十四、比賽時程：114 年 11 月 30 日(星期日)
 - 08：00～08：30 報到及抽籤
 - 08：30～08：50 開幕式/講解比賽細則
 - 08：50～12：00 比賽/講評/頒獎
- 十五、獎勵辦法：第一名：每組取一名，獎金：新臺幣參仟元，獎牌乙面，教育局獎狀乙紙
第二名：每組取一名，獎金：新臺幣貳仟元，獎牌乙面，教育局獎狀乙紙
第三名：每組取一名，獎金：新臺幣壹仟元，獎牌乙面，教育局獎狀乙紙
優良獎：每組取六名，獎金：新臺幣伍佰元，扶輪社獎狀乙紙，教育局獎狀乙紙
參加獎：紀念品乙份，扶輪社獎狀乙紙
指導老師：指導費新臺幣壹仟元(比賽當天全程陪同者)，教育局獎狀乙紙(指導學生有得獎者)
- 十六、頒獎：於比賽當日成績揭曉後頒發。
- 十七、附則：〈1〉本比賽所謂「臺語」是專指「臺灣河洛話」，其他語言歉不受理。
〈2〉參賽者及指導老師午餐由大會提供便當。
〈3〉往返交通請各校自行處理。
〈4〉比賽中若發生突發情事，得由社長召集相關人員處理之。

大甲中央扶輪社臺語朗讀比賽



請掃碼進入報名頁面

01 Siáng 才是囡仔啦？

鍾育紋

阮大伯大阿爸十外仔外歲，阿爸挂去讀國小，大姆就嫁來阮兜。到甲阮阿爸娶某生囡，大伯的後生攏去食頭路矣因為尾仔阮無蹠佇舊厝，就較罕得看著叔伯阿兄。彼陣我咧讀幼稚園，八點檔有一齣武俠的當時行，阮囡仔人嘛綴咧看甲迷迷。內底有一个歹人肝足雄的，定咧害人瀟瀟斷手，阮佇電視前是看甲雙手捏拳，戚伊是感甲目調強欲吐出來。

有一工，四个叔伯阿兄來阮兜食茶，我煞英雄發現第三阿兄當時仔恰彼个歹人生甲有夠成的。這聲慘矣，雖然理智共我講無這號代誌啦毋過彼陣我可能猶是用大腦平衡、小腦思考的慧囡仔 tsuán 驚甲一直共椅頭仔徙向後壁去。逐家看我各樣各樣，攏誠好心來關心，一下知影我叻必掣的因由，攏笑甲險險仔反過。閣較害的是驚惶無因為我共講出來就無去，會記得我驚第三阿兄驚一冬較加，便若伊來我就隨覷去大人的尻脊後。到今共想起來，實在對伊足歹勢！

毋過第三阿兄彼毋是伊刁故意的，愛怪我想像力烏白牽。啊若阮二伯就正正是專工來共我創治的。伊定佇我放學彼陣來阮兜，來的時間刁持牽長聲講「謄！腹肚足朽的，來看恁冰箱有啥物好料的？」「你毋通看我遮濟歲，我恰囡

仔全款上愛咁養樂多啦！」伊閣會那講那行對灶跤去。我袂堪得人激，就會緊衝去伊的面頭前，雙手展開共擋咧，氣怱怱共講：「奇怪呢！你轉去恁兜才去開冰箱啦！」

落尾是阿母再三共我保證「人阿伯干焦是咧恰你滾笑啦！」「啊伊若真正共養樂多攏咁去欲按怎？」「都共你講袂矣閣！好啦，若準伊有咁我才閣買啦！」會記得頭擺我無予二伯的話弄甲嚟嚟越，猶有法度共尻川黏佇椅子頂的時，我其實已經忍甲強欲著內傷。毋過真正親像阿母講的呢，二伯彼擺用話那共我激跤那行，閣用目尾共我偷眈，佇伊咧欲行入去內底間的時，跤步煞英雄擋恬，共腹肚掌咧掌咧，頭敲敲講：「欸我的腹肚哪會英雄袂朽矣？無，來，食茶就好矣啦！」

鍾 (Tsiang) 育紋

02 飛上天的數想

劉瑞發

細漢到今，我的頭殼內底定有一寡澈古的想法。毋過我毋是空喙哺舌，抑是痴人厚言語，彼攏是我斟酌想過，有一日應當會當用科技來實現的夢想。其中，和鳥仔全款會當佇天頂飛，是我上大的向望。

我想欲發明一塊會當予我飛起去天頂的「輪枋」，後壁會當若噴射機全款噴出氣流，予我倚佇頂懸飛上天，按呢是毋是真命咧？

若準予我發明這款「輪枋」，我想欲做的代誌就說不盡囉。代先我會浮佇天頂偷看現此時上衝、上紅的歌星所辦的演唱會。毋過，到時逐家的目睷定著會掠我金金看，袂閣看台頂的歌星表演囉。

繼落來，我欲來試看看覓仔彼號和棉仔糖生做不止仔成的雲，食著是啥款滋味，凡勢閣愛紮一罐仔糖來調味，才袂無鹹無纖。

我想欲做的第三件代誌是飛起去月娘頂面，看是毋是正經有嫦娥恰兔仔佇遐。第四件代誌是欲飛去較倚日頭的外太空，遮爾遠專工一逝路去遐是為著啥？我想欲知影用日頭烘出來的牛排是啥滋味，恁可能咧笑我牛排猶未鼻芳著，就會予日頭烘甲臭火焦閣兼著火矣。嘿，恁想傷濟矣，我才無遐懸，我會穿我發明的太空衫，保證袂失覺察。

繼落來，我會飛去南極，毋是欲去看倚鵝搖尻川花，我會飛甲懸懸，去看天頂的破空敢是愈來愈大空，抑是有改善矣。當然，欲去遐爾寒的所在，著愛會記得疊我彼領萬能的防寒防熱衫啦！

既然都去南極矣，彼北極哪會使共落勾。我來看覓仔是毋是像自然老師講的，因為地球愈來愈燒烙，遐的冰溶欲了矣。北極熊嘛愈來愈慳揣著食的，煞變甲消瘦落肉。落尾我欲共心情放予輕鬆來好好仔欣賞啥物是予人看著會袂瞞目的「極光」！

聽著我的分享，毋知逐家是感覺蓋有創意抑是會笑我烏白想，共我當做癩的咧。不過，這馬科技進步的速度一日千里，予人料想袂到。無的確閣免佬久，咱人就會當倚佇輪枋頂懸，像鳥仔全款自由自在飛上天矣。

03 糖霜丸

郭聿恩

我是厝裡第一個出世的囡仔，所以從細漢阿公和阿媽就共我惜命，尤其是阿媽，伊攏講我是伊的「糖霜丸」。

若是有我佇咧，咁水都是甜的，毋免食嘛會飽。

其實，我並毋是啥物貼心會弄人笑的囡仔，阿母攏講我是：「雙个旋，惡甲無人問。」挂出世都猶無二四點鐘咧就予紅嬰仔室的護理師敲電話來投，講我吼甲誠大聲，按怎騙都袂恬，只好來共阿母討救兵。所以，佇別人兜是：「一個囡仔較鬧熱三个大人。」啊若阮厝是：「一个囡仔，拚倒五个大人。」規厝間的大人，予我這個囡仔疔舞甲食毋成食、睏毋成睏，真正是足忝頭。

彼時阿爸、阿母攏佇高雄食頭路，又閣煩惱情奶母育毋知敢會予人灌米酒袂，才將我囡佇臺南，拜託阿公、阿媽鬥相共。彼个時陣攏已經退休矣，原底叫是恁孫就親像：「桌頂拈柑，輕輕鬆鬆。」想袂到我誠纓纏，一定攏愛人抱，連欲睏嘛愛予人抱咧睏，無，就會吼袂恬。阿公、阿媽無我的法，只好三不五時仔就叫阿爸、阿母轉來替手，連猶未嫁的阿姑嘛愛鬥恁孫。

雖然我遮爾歹恁，毋過，阿媽猶是誠疼我，不管是欲去佗位，伊一定會恁我去。欲恁我出門的時，伊會先用尙巾共我縛佇伊的尻脊餅，才閣用風幔包予經。所以，我細

漢的時便若看著阿媽提俏巾和風幔，就會緊爬過去阿媽的身軀邊，喺笑目笑笑等阿媽抱我出去迫迫。阿媽講我彼个模樣真正足古錐，就算到今，伊猶深深記佇咧頭殼內底。

因為自細漢就綴佇阿媽的身軀邊，毋才我開始學講話的時，講的就是臺灣話。阿媽講我彼時大舌閣興喋，挂咧學話的時大人一一句話攏予我分做三、四節一直餵、一直餵。若是有人學我講袂輾轉的模樣，我閣會受氣，規个面就膨獅獅，一直愛阿媽來安搭才欲煞。

三歲了後予爸毋恁轉來讀幼稚園，以後的日子嘛因為學業，漸漸較無轉去臺南矣。毋過，便若佇電話中聽著阿媽叫「糖霜丸」的聲，我就會想欲閣轉去阿媽的身軀邊，予伊攏牢牢。

01 講臺灣話若像軟空氣

蔡麗萍

五年前的彼个歇熱，我欲參加教師組閩南語朗讀比賽，想講家己去是一逝工，規氣恁阮後生做伙來去較有伴。彼當時伊讀國小四年仔，臺灣話無啥會曉，平常時仔攏用華語講話。我問伊：「阿弟仔，恰阿母來去參加朗讀比賽好無？我隨應講：「我無愛。」我閨問伊：「哪會無愛？」伊講：「我一句話嘛袂曉講，欲去予人笑喔？」我貼胸坎共伊鼓勵講：「免驚，我教你。」就算我講規晷，伊嘛是毋肯。落尾我共講：「你若上台比賽，我就買你恰意的迫退物予你。」聽著這句，伊隨頓頭應好，就按呢，一下歇熱阮就開始練習。

逐工早起食飯飽，錄音帶放落去開始聽，伊那看朗讀文章，我那解說予伊理解。兩禮拜了後，伊總算會曉綴咧唸，落尾熟甲會曉背。比賽彼工，因為傷緊張煞無著等，毋過我照品照行，彼暗就恁伊去買恰意的迫退物。

第二年我閨共招，伊第一句就問：「敢恰舊年全款有禮物通提？」我講：「有啊 毋過今年標準要提懸，前六名才有禮物。市賽十八个囡仔，你愛贏過十二个才有獎品，按呢你有法度無？」伊誠有信心，共我應：「好」這擺我專工去揣參加過全國賽的老師來共教，伊一句一句唸，老師一字一字雕，連上台按怎倚、稿按怎提，感情按怎放，全部攏愛注意，這擺伊就誠認真學。

比賽彼工透早，伊問我：「阿母，我若著前三名，會當買『ipad』無？」我殘殘共決落去講：「好」比煞出來，伊就講：「阿母，我第三名。」我講：「哎哟，膨風水雞刮無肉，成績猶未公佈你哪會知？」伊講：「我家已聽的，干焦兩個唸比我較好，所以我應該是第三名。」成績一下公佈，伊真正第三名，實在是烏矸仔貯豆油喔。

阿孫著名，阿媽上歡喜，見人就講：「阮孫真勢，著第三名阮新婦真厲害，會教阮孫講臺灣話，會曉恰我開講、講笑談，實在足好。」其實，講臺灣話若像軟空氣，是誠自然的代誌，看媽孫仔講甲笑哈哈，我嘛歡喜在心內。

02 Khú-looh

張淑貞

Khú-looh 來阮兜十四年矣，伊除了袂曉講話以外，其他佢人差不多，有時閣比我較巧目。自伊挂開目，阮阿母就照俗例，用一包糖恰一綹麵線去朋友兜共伊抱轉來，講按呢好朋友的情誼才會甜蜜閣久長。

伊是正港的烏狗兄，六七月日大就四界溜溜去咧奔 me-me。有時規禮拜才轉來，狗尾翹甲半天懸，真臭湯的形。有時三兩工就轉來，了後規工癢篤篤、軟餒餒覆佇椅子跤，一下看就知伊這逝戰輸矣。著幾工仔過，伊才會恢復以早的精神。莫看伊這號風流款，伊閣誠顧家，人欲入阮厝內若無通過伊彼關，就踏袂過阮兜的戶樓。

Khú-looh 真正有夠巧，頂世人定著是錢嫂仔，便若來阮厝收錢的，伊攏共當做冤仇人，尤其是載 gá-suh 的，「明明都一桶換一桶，哪會閣共阮收錢？」所以人送 gá-suh 來，猶未到門口伊就開始生一直吠，雄 kài-kài 欲從去共人咬，我連摸都摸袂牢。阮定著愛先共伊縛好勢，若無就算阮阿母來嘛無伊法。

有一改，人來收保險費，自阮阿母對樓頂提錢落來，Khú-looh 的目睭就一直掠錢金金看，一路共阮阿母綴前綴後，到甲阮阿母欲交錢予對方的時，手一下伸出去，伊竟然足受氣佇遐齙牙 hng。

Khú-looh 的老母是顧海防的，結果伊煞驚水、驚炮仔，當然伊上驚的是阮阿母！阮阿母若咧發性地，伊就尾溜掄咧，用鼻子抹門緊旋出去。過一時仔，伊會轉來看厝內氣氛好抑擺，若是無啥四序，伊就倒退摠出去；若無就是輕輕仔共門抹開，緊鑽落眠床跤，較免去掃著風颱尾！

伊上愛綴阮阿母出門，有一改伊欲綴，阮阿母講：「厝內無人，轉去顧厝！」伊只好乖乖留佇厝裡。等阮轉來看一下笑甲半小死，伊覆佇門口中央，頭向外，半身佇內底，半身佇外。閣一改，阿母欲出門共伊講：「袂使！厝內無人，你顧厝。」結果伊一路綴，仙趕都毋轉去，阿母才想著，轉愛笑講：「有夠巧！恁老爸有佇厝啦！」

阮阿母定定講：「連精牲都教有路來矣，人敢煞教袂曉？」人自稱是萬物之靈，對待親人，有時煞較輸一隻狗！

03 多謝恁

韓滿

有人感謝天感謝地、感謝老母佢老爸；有人感謝老師的牽教、感謝同學的陪伴。啊若我咧？

國小六年的時，老師叫阮每一個人做一本家己的畢業紀念冊，愛共國校的生活寫落來閣晝落來 逐家聽甲霧嘎嘎。往過紀念冊攞嘛予翕相館做的，逐家佢同學翕幾張仔相片就好，今年是按恁愛家己做？老師講：「今年逐個人攞愛加做一本獨一無二的紀念冊。」

門陣六冬，死忠兼換帖的好朋友攞欲分開矣，阮想著過去的種種，就緊共寫落來，寫了閣再改、畫了閣再拊。會記得有一冬我出車禍踹院，老師搶蘋果來病院看我，伊共我惜惜閣講：「你愛堅強、愛保重，逐家攞咧等你喔！」

有一擺老師去開會，教室予人關甲暗眠摸，老師轉來的時，雄雄門開開、電火光矣，足大聲的生日快樂歌佢嘆仔聲害老師掣一越，繼落來逐家共老師攬牢牢，予老師生日彼工歡喜甲目屎四淋垂。

這幾冬來，全班嘛有真嬌的記持，值得一世人留念。阮做伙演戲、做伙答喼鼓，參加籃球、跤球佢野球的比賽。老師定定講成功毋通驕傲、失敗袂使餒志。阮閣分工，做伙寫作、畫圖、錄音，全班共同完成一本足心適的尪仔冊。老師呵咾甲，講逐家攞是作家，畢業的時，每一個人攞會

當提逐家做伙做的尪仔冊，佢家己創作獨一無二的紀念冊轉去。

想著咧欲畢業，逐家毋甘分開，學牛郎、織女共七月初七定做同窗會的日子。看著校園的鳳凰花，我佇紀念冊畫一幅圖閣寫一首詩：「花瓣飛甲滿四界，蟬仔叫甲頭犁犁。約束七夕同窗會，想著袂睏到五更。」彼暗，我真正目睷金金到天光喔。

老師講：「毋管冊讀了好抑標，毋管錢趁了濟抑少，在佢馬嘛有一步踢，一枝草一點露、天無絕人之路。後擺逐家全款愛做一個好品行的人，只要揣出家己的興趣好好仔學幾幾項仔工夫，認真拍拚、一步一步一跔印，行行攞嘛會出狀元。」

感謝爸母共阮晟，感謝老師佢同學的陪伴，予阮脫離病疼，行過國小的歡喜佢鹹酸苦泔。多謝恁！

04 娶貓仔某

林志霖

「物件食予清氣，若無你後擺會娶著貓仔某喔！」聽著阿母按呢講，我趕緊從入去灶跤，共碗底的飯粒仔閣窮窮咧。敢有人捌想過，才彼幾粒仔飯爾，是按怎序大人攞會叫咱袂使瞎落來？

會記得國校三年仔，猶未到五日節，日頭就炎甲打馬膠路敢若會使烘肉，挂披好的衫一睷仔隨焦，外口曝著日的人逐家攞流汗流洩，規身軀澹澹漉漉，逐口灶冷氣嘛二四點鐘操袂定，隨个仔隨个攞熱甲叫母敢，母知欲按怎。

彼年五日節連繼假期，中晝那吹冷氣那配飯，英雄想起「貓仔某」這個問題，開喙就問阿母、阿爸。阿母笑笑佇邊仔無應話，顛倒是平常時無愛講話的阿爸，連鞭走去敲電話閣和阿母佇遐嗤嗤舞嗤嗤母知咧吡啥越頭隨共我問：「你敢有想欲轉去下港迤迤？」曷使問一下聽著會使出門，我佻小弟是暢甲坐袂牢，包袱仔隨款好勢，應講「阮攞攞好，會使出發矣。」兄弟仔兩個沿路是若厝角鳥仔全款喋袂煞，無一時間的。

轉來到庄跤，看著阿公、阿媽有夠歡喜的，毋過阿公隨講：「今仔日較早去身軀洗洗咧，下暗愛較早睏，若無，明仔透早愛足足去園裡，是會袂赴喔！」我佻小弟喙裡應好，心肝內想講阿公穩會載阮去耍，落尾想起來，阮真正

是七月半鴨仔--毋知死活。

隔轉工天猶未光，阿媽就來喊阮起床。我都捎無頭摠猶咧覷神，一下到位才發覺毋是來耍，是欲來作穡。今害矣，予人載來薙蒜頭，園仔遐爾闊，對頭開始，是欲做到底時？就按呢自天挂光開始，跔落去共蒜頭薙起來、敲塗、提鉸刀剪頭剪尾、裝布袋、揸起去車頂，那做那曝日，那向那滴汗。

一直做到日頭落山，規園頭的蒜頭鉸了，才收擔轉去。等到洗身軀的時，才發覺家己跔落跤會掣，腰痠背疼強欲袂振動，彼時阿母才笑講：「知影是按怎逐擺擺愛恁共物件食予清氣矣乎？」

人講：「食米飯拜田頭。」經過這改，免人提醒，逐遍桌頂的飯菜攞會食甲空空，袂閣清彩抨揖揀。

你咧？敢會去娶著貓仔某？